

籌辦夷務始末

籌辦夷務始末卷之六十七

道光二十三年癸卯七月乙巳

欽差大臣兩江總督耆英奏竊於行抵粵省後當將體察夷情酌籌辦理緣由專摺奏報在案正在檢閱例案悉心覈辦間接據夷酋噶喇噴自香港來文請定期會晤面定大局等當以此事非與該酋面加商確終難定局而於未開市之先令其來省會商易啓民間疑慮且香港情形究竟若何將來能否杜其走私亦應親往察看明白庶有把握當於五月二十六日早帶同廣東臬司黃恩彤侍衛成齡等由黃埔換船開行經過獅子零丁磨刀銅鼓各洋面約計

水程四百餘里。是日下午。即抵香港。該夷目率同夷兵。擺隊奏樂。跨刀道迎。執禮甚恭。情極馴順。李查看香港本屬荒島。重巒複嶺。孤峙海中。距新安縣城一百餘里。從前本係洋盜出沒之所。絕少居民。祇有貧窮漁戶數十家。在土名赤柱灣等處。疇零散處。該夷於近年以來。在土名裙帶路一帶。鑿山開道。建蓋洋樓一百餘所。漸次竣工。並有粵東無業貧民。墾戶。在該處搭蓋棚寮。販賣食物。約計夷商不滿數百。而內民之貿易及傭力者。已不止數千人。李率同黃恩彤等。與噴噴噓噓接見數次。將通商章程。及輸稅事例。反覆辯論。大局釐定。李當因夷性多疑。事既得有頭緒。

亟應堅其所約。以免再有反覆。即於二十九日。恭齋鈐用御寶和約。發給該酋。敬謹祇領。並據該酋將該國和約呈進前來。等驗明收訖後。即於六月初一日。率同黃恩彤等。駛回粵省。竊查粵海關進出口貨物。百餘年來。遞有變更。即如進出口洋貨。向多奇巧玩好。而近年則以棉花為第一大宗。出口各貨。向重綢緞湖絲。而近年則以茶葉為第一大宗。如此二宗稅餉。得有加增。則其餘無論增減。均於稅務之贏絀。不致大有出入。前此伊里布督飭委員。與之往復詰難。而稅例不能遽定者。皆由茶棉二項。該夷等不肯聽命增稅故也。檢覈粵海關稅則。每年應徵正稅。及盈餘銀八十

九萬九千餘兩。其額外盈餘約收一二十萬兩。及三四十萬兩不等。茶葉一項。每年出口約計四五十萬擔。棉花一項。進口約計五十一萬三千餘擔。舊例茶葉每擔以一百斤計算。應徵正耗稅銀。及各項歸公規費。共銀九錢二分。零。及八錢七分零不等。棉花每擔亦以百斤計算。應徵正耗稅銀。及各項歸公規費。共銀二錢一分零。督臣祁項督飭黃恩彤等。與夷目議明。茶葉每擔以二兩為額。棉花每擔以三錢為額。較舊例本已有增。禁復與喫鼎渣面商定。准。茶葉每擔增至二兩五錢。較舊例稅規計增倍。棉花每擔增至四錢。較舊例稅規計增幾及一倍。茶葉以四十

五萬擔計之。每年約可收稅銀一百十餘萬兩。棉花以五十一萬三千擔計之。每年約可收稅銀二十萬五千餘兩。即此二宗。已足抵粵海關歲入正額盈餘之數。且此二宗均屬嚴重之物。偷漏易於稽查。征收較有把握。其餘各貨稅減者固不能無。而增者亦復不少。且有舊例漏未徵稅。新議增入者。通盤合算。實屬有贏無絀。且關稅以粵海關為最重。該夷赴各口貿易。不以閩浙江蘇等關稅例。藉口圖減。而欲以粵海為額。通行各口。一體輸將。此後商貨流通。所加者更難以數計。再該夷各項大宗貨物。仍在廣州貿易外。惟香港四面環海。舟楫處處可通。現有內地民人。

赴彼零星買賣數年以後漸集漸多勢必至華夷雜處與
澳門無異查澳門地方自前明迄今三百餘年各該夷先
後居住安分貿易從未為患內地亦鮮偷漏稅餉情事今
香港情形幾與相似若不明定章程妥為辦理則走私漏
稅百弊叢生轉恐與正稅有礙容等與祁墳等悉心熟商
酌議辦理再咪喇堅佛囉哂等國現在亦據請照新定章
程辦理容等會同督撫諸臣將章程覈定後與之要約明
白專案辦理

者英又奏再稅餉章程雖為貿易條款實則理財之一端
瑣屑糾紛動多牽制該夷自釋兵旣撫之後因章程未定

貿易未通。外貌雖極恭順。中心實存驕蹇。所賴通商為該
夷養命之源。稅例之增減多寡。即關夷情之向背。從違若
過為搜剔。則恐致反覆。概示優容。又易滋流弊。且夷目嗎
嚙。避久在粵東。於商稅利弊。算及錙銖。我方思控制之方。
彼已有抵牾之術。不予該夷以小利。恐啓爭端。不留地方
之餘利。有礙民生。損上益下。雖為輕國大猷。而當此支用
孔繁之際。又不能不先為

國計。智者處此。亦有操縱兩難之勢。伊里布之鞠躬盡瘁。未
能一手完結。職是之故。即黃恩彤。咸齡多方設法。辯論再
三。雖已唇焦舌敝。力盡筋疲。終因伊里布出缺之後。該夷

觀望徘徊。不能定議。向來各國貨船。每年六月以後。即陸續來粵。粵到粵之時。相去貨船進口之期。僅止月餘。若不迅速辨結。閩閩營趁之人。既多顧慮。夷船聚集守候。非急而生變。即遊行各口。希冀走私。於大局殊有關繫。趕緊督同黃恩彤等。查覈卷宗。體察情形。必須消除其觀望之心。遏抑其驕蹇之氣。方可漸冀就範。因藉該首請令會晤日期。即示以坦白。本報令彼駕駛火輪船前來。粵帶同黃恩彤成齡等。輕裝減從。即坐火輪船前往香港。接見該首。嘆嗚噓。

粵當即宣布

皇上恩德。次日親赴該首住處。以誠破詐。以氣折驕。該首技無所

施掩然帖服。李遂在夷樓居住四日。又經黃恩彤等反復
開導始得頭緒。內渡瀕行時。據該首嘍嘯。呈送身佩洋
刀一把。以明誠意。並將伊及伊妻子女圖像。懇求帶回。以
表其神形。業已追隨左右。不敢再有異志。啖啖重女輕男。
今嘍酋將其妻室圖像相贈。據通華語之夷首等咸稱若
不誠敬欽信。斷不能如此等語。李隨將所佩金環並書畫
紈扇一柄。即行付給。此非李甘於抑志降心。輕身冒險。又
不避嫌疑。與之酬酢。蓋不如是。則疑團不釋。彼此相持。迄
難定案。且從來撫馭外夷。但當計我之利害。不必問彼之
是非。惟不可因其情詞馴順。稍存大意。致墮其術。回省後。

與督撫監督諸臣將議定稅則通盤籌算於

國計不無裨益。夷情亦得便利。將來開市之後。貨物流通。小

民足資生計。惟拳連日以來。心力交勞。又似上年在江甯

味年生時小重拳年未案

時。夜不成寐。食不知味。然事關海疆安危大計。拳惟有努

力振刷。會同熟商。務求妥善。以冀仰副

皇上綏靖荒服。加惠商民之至意。

硃批。所辨甚屬正大。公誠。

者。英又奏。再拳正在繕摺間。接據噶喇渣照會。以該國蒙

大皇帝恩准通商。業經十月之久。因新例未定。以致眾商觀望不

前。伊里布前於正月間。曾經約期七月初一日。頒行新例。

夷商無不聞知。現在稅餉已定八九。求速為覈明頒發。以便仍如前約。於七月初一日開市等因。李查伊里布於抵粵後。察看商稅情形。不能速定。因夷酋急望開市。恐辦理未能周妥。且各國夷船。向年皆於六月內到粵。是以寬為約期。以半年為準。此正月間。所以有七月初一日。頒行新例之議也。彼時原期三月內定案具奏。四五兩月。可以接准部覆。通行各口。六月內可以覈定辦法。約計以七月初一日為期。本屬從容不迫。詎伊里布於二月初出缺。以致二三四數月之間。未免停擱。迨李到粵接辦。一月之內。即定十分之九。原冀稅例早定一日。則夷情早安一日。惟與

督撫海關諸臣尚須熟商方能會摺覆奏並造冊咨部議
覆需時現屆七月朔不過半月之期豈能遽照新例貿易
礙難准行當即明晰照覆並令臬司黃恩彤侍衛威幹向
現在省城之夷目嗎嚙嚙囉咱喇麻恭等面加曉諭該夷
目等仍堅執前約再三請求迨將

天朝制度及各口情形詳加辯論該夷目等復稱福州等處新
設馬頭誠恐趕辦不及廣州近在咫尺又係通商舊地一
經頒發新例即可奉行無虞阻隔且伊國眾商貨船停泊
外洋者已有三十餘隻均因新例未定不便進口貿易不
惟久停洋面貽誤甚虞且船戶水手人數眾多一切汲取

淡水購買食物甚屬苦累。現在眾情洶洶。有不遵約束之勢。既蒙

大皇帝道格

天恩。自必請加體恤。但求於廣州一口。照前約七月初一日通市。免致達商久待受虧等語。黃恩彤等復嚴加駁斥。而該夷目等抗辯不屈。固請不已。情詞極為迫切。奈查該夷以通商為性命。准其貿易。則恭順如常。絕其貿易。則騷擾難制。故自有明至今。羈縻夷人。皆借通商為餌。現在該夷酋等既堅。以七月初一日。在廣州通市為請。而伊里布生前。又實有成言。即所稱商船多隻。停泊洋面。觀望苦累情形。亦

尚非虛捏。若必待會奏條例奉部議覆後。再准開市。計期約在七月之後。償此一月內。貨船駛集日多。均停口外。不惟奸民私販偷漏必多。且恐夷情或有變更。所關匪細。查現定稅則。增者毋庸再與議增。減者亦不能使之不減。通盤合算。實屬減者少而增者多。於

國課有贏無絀。將來部議似亦不致駁詰。與其遲行一月。慮生反側。何如早行一月。俾知感戴。奈不揣冒昧。衝其輕重。

擅自從權宣布

皇仁准其於七月初一日進廣州口照新例貿易輸稅其一切事宜咨行粵海關查照趕辦

皇仁准其於七月初一日進廣州口照新例貿易輸稅其一切事宜咨行粵海關查照趕辦

諭軍機大臣等。著英奏酌定通商輸稅章程。據奏五月二十六日。帶同黃恩彤。咸齡。輕裝減從。即坐火輪船。前往香港。接見該首。嘍囉。已將通商章程。及輸稅事例。議定大局。換給和約。該夷。首極為恭順。帖服。即於六月初一日。駛回粵省等情。有膽有識。甚屬可嘉。其粵海關進出貨物。現已議定棉花茶葉稅則。約計。關課。有贏無絀。因該夷急於通市。即照伊里布前定期限。於七月初一日。先在廣州開市。權衡輕重。深合機宜。著即照議辦理。惟香港四面環海。舟楫處處可通。現已有內地民人。零星買賣。必須明定章程。以杜走私漏稅。並一切未定事宜。著耆英會同。祁墳。程喬采。文。崇通盤籌畫。固須俯順夷情。尤當慎持國體。永。

杜弊端。俾各省皆可照辦。方為盡善。其咪喇擊。佛喇晒等國。請准照新定章程辦理。俟定議後。要約明白。另行辦理。

丙午。直隸總督訥爾經額奏。竊臣承准軍機大臣字寄。三月二十五日奉

上諭。御史田潤奏。請團練鄉兵。以杜後患。而節軍需一摺。現在倭夷雖經就撫。而思患豫防。不可不籌。內固藩籬之計。著該將軍督撫。按照該御史所奏。體察情形。詳籌妥議。據實具奏。再團練鄉兵。防禦海口。該鄉兵生長本土。保護身家。臨時自能得力。惟用兵之法。固宜層層設伏。而後路尤關緊要。儻僅於海口較近地方。安置兵燬。全力抵拒。而後路不能策應。斷非制勝之道。三

年以來專顧海口海岸而債事者誰不知之。必須相度地勢。將
兵礮移置要隘處。所以為前路應援。臨時當更得力。其應如何
酌量變通之處。著一併詳議具奏。原摺著鈔給閱看。欽此。臣查
國練鄉民。原係古人寓兵於農之意。有事則互相保衛。無
事則勤於講求。家自為守。人自為戰。不煩徵調。不增饋餉。
意美法良。莫善於此。直隸地方。前年籌辦防堵。節奉

諭旨。飭令沿海村莊。國練鄉勇。當經行據沿海各該州縣。先後招
募團練。自四五百名。至八九百名不等。其隨營防守者。官
給器械口食。自衛村莊者。民間捐資辦理。並於天津郡城
關廂內外。分為二十堡。每堡設一義勇局。每局三四十人。

至五六十人不等。以董事領之。各衛各堡。不供差使。不支口食。其大沽海口。以及海河南北兩岸。共立六十局。章程亦復相同。迨後倭夷就撫。官兵撤防。所有隨營防守之鄉勇。概令各歸農業。其保衛村莊者。仍令自行團練。以符守望相助之義。至義勇各局。臣於撤防後。分給衆志成城扁額。紳民踴躍歡欣。並經蘆商籌備津貼制錢一千二百千文。按季散放。以補不足。由天津道隨時親往訓練慰勞。官民不相隔閡。可以聯而不散。迨本年開春後。臣復分飭各屬將應募兵勇。遵照上年奏案。大治百人。中治八十人。小治六十人。趕緊募足。歸入民壯內。一體操演。責成州縣。認

真訓練。道府隨時調考。務使一律精強。其口食官為捐辦。並不派自民間。一府之中。計有壯勇千餘名。藉以接濟兵力。該御史所奏。推舉統領。鼓舞技藝。屏除煩擾。優卹鄉兵。各條與直隸原辦章程。大畧相同。惟籌議經費一節。就地畝多寡。定攤派錢米。名雖公允。實多窒礙。蓋村莊大小不一。地畝肥瘠不同。且濱海地多斥鹵。居民魚鹽為業。不藉種作養生。今欲一律派辦。既不官為經理。事屬散漫無稽。即選公正之人。均勻酌派。而鄉愚貧富相形。錙銖必較。遊手無賴之徒。又復從而滋擾。勢必紛紛爭控。及至官為訊斷。又必以抑勒累民。藉詞上控。馴良者咸被拖累。刁健者

相率效尤。而地方官亦且受其挾制。是使良法美政。轉致累官病民。現惟有飭屬欽遵前奉

諭旨。各就地方情形。實力勸民團練。一切費用。聽其設法捐辦。帶領紳耆。聽其自行推舉。不准胥吏插手。俾免擾累。而收實效。再用兵之法。誠如

聖諭。後路尤為緊要。臣前此辦理防堵。仰蒙

聖明指示。於後路層層籌備。不敢稍疏。撤防後。復奉

諭旨。飭令仿照速戰陣式。諄諭各將備勤加練習。曾經臣於本年二月間。將變通速戰陣式。操練情形。繪圖呈奏。蒙

上諭覽奏已悉。所鑄五百斤銅礮六十尊。添設在速戰陣頭層。三

十斤銅礮一百尊。添設在二層。有礮車推挽。礮架支放。輪轉裝藥。均可連環套打。用之陸路。足可制勝。甚合朕意。後路以擡槍。烏槍繼之。又以弩箭藤牌。刀矛馬槍繼之。該督已親加校閱。均屬整齊。著仍飭各營將領一體隨時教演。務臻純熟等因。欽此。現在沿海各營。遵照奏定章程演練。以備後路策應。並將陣圖咨照提鎮一體督飭訓練。務期悉臻純熟。遇有徵調。無堅不摧。無敵不克。以仰副

皇上廑念畿疆。有備無患之至意。

硃批。依議妥辦。

辛亥。杭州將軍特依順。浙江巡撫劉韻珂。提督李廷鈺奏。

竊臣特依順。臣劉韻珂前奉

上諭。飭將種種善後事宜。各就地勢。悉心講求。妥議章程具奏。並飭與兩江總督。臣耆英會商籌辦。臣劉韻珂當於上年十一月間。前赴甯波鎮海。逐加查勘。及回省後。適臣李廷鈺行抵省城。遂將大概情形。面為籌商。一面恭摺具奏。欽奉

諭旨。該撫所議練兵造船設險三事。均係當務之急。惟船隻需人。駛駕險隘需人堵守。自當次第辦理。此時總當以練兵為第一要義。浙省風氣柔弱。武備廢弛。必當大加振作。力挽頹風。著耆英。劉韻珂。會同特依順。李廷鈺。悉心籌辦。認真訓練。妥議具奏。等因。欽此。查練兵之法。臣劉韻珂自上年防兵撤退歸伍。

後。即與臣特依順。及省標滿綠各營協領將備等官。切實講求。擬具章程。選兵操習。臣李廷鈺到任後。亦擬設法選練。至於防江防海事宜。臣等屢次博訪周咨。並與耆英往返札商。臣特依順。臣李廷鈺先後親至乍浦鎮海查勘。臣劉韻珂於閱看海塘之便。又自海甯尖山。澈浦。乍浦等處。逐一重加相度。嗣耆英奉

命赴粵。道出浙江。復面為商酌。茲特將地勢所宜。時事所急。可見諸施行。而期有裨益者。連練兵章程。酌擬二十四條。敬為我

皇上陳之。

一提標左營兵丁。應改為外海水師。以重海防也。查浙江提督統轄水陸軍務。陸路固屬緊要。惟駐紮之甯波府城。逼近大洋。且所屬六縣。在在瀕海。是防海更要於防陸。提標額設中左右前後五營。共兵三千五百餘名。內惟右營係外海水師。其餘均屬陸路。巡防洋面。兵力殊形單弱。道光二十一年前。

欽差大臣裕謙。因鎮海之穿山霏甯兩處。咫尺定海。向係提標左營分防之地。而穿山防兵。僅止一百四十七名。霏甯防兵。僅止六十九名。兵數既少。又無大員董率。巡瞭俱不得力。議將提標左營遊擊。移駐穿山。仍於該營額兵內。撥赴穿

山兵一百五十三名。連原設之兵。共成三百名。又撥兵一百三十一名。前赴霏甯。連原設之兵。共成二百名。以期定海有警之時。就近策應。固屬因地制宜。惟提標左營兵丁。係屬陸路。移駐穿山等處濱海之區。若不改為水師。於巡防仍難得力。且無額設船隻。遇定海有警。亦不能徒涉往援。查該營額設兵七百三十四名。應均改為外海水師。除照裕謙原議。今該遊擊帶兵三百名。駐紮穿山。另派千總一員。帶兵二百名。駐紮霏甯外。餘兵二百三十四名。均留駐郡城。分別製給船隻。責成該遊擊及備弁等官。與提標右營鎮海營。互相聯絡。實力操巡。所有該營原分汛地。除

穿山。靠甯兩處之外。其餘陸路各汛。於中前後三營改派。仍將提標右營鎮海營所轄洋汛酌撥數處。歸該營管轄。以均責任。如此則水師較增。如遇海上有警。可資戰守矣。一鎮海營應改隸提督管轄。以期整飭也。查鎮海為浙東門戶。最關緊要。該營額設外海水師九百八十名。必須時加操練。使兵皆精勇。熟悉水務。方足以資防勦。惟該營向歸定海鎮管轄。雖地本接壤。究屬遠隔重洋。且定海鎮時須出洋巡哨。亦不能常川內渡。校閱該營兵技。考覈該營軍伍。竊恐易致廢弛。應請改隸提督管轄。不特相距甚近。有臂指相使之勢。且前經裕謙奏定。每年夏秋二季。提督

須至鎮海縣城駐紮。該營即在城中。可以時時校閱。不患兵丁之不成勁旅矣。

一石浦地方。應酌添兵丁。並將昌石營都司移駐其地。以資控制也。查甯波府所屬。除縣城外。其餘鄉鎮。惟象山縣之石浦。戶口殷繁。商賈雲集。與浙西之乍浦。閩省之廈門。約畧相等。該處逼近大洋。自閩來浙之船。大半經過。二十一年。倭夷未陷定海之時。先在該處登岸滋擾。地勢實為緊要。該處係象山協昌石營分防之地。乃昌石營都司駐紮昌國衛城。僅有水師守備一員。在彼分防。汛兵亦寥寥無幾。殊不足以資控制。應於象山協左右兩營陸路兵內。

酌撥兵二百名。改為水師。移置該處。並將昌石營都司。移
至該處駐紮。則沿海要區。兵勢較壯。足以巡防彈壓矣。
一乍浦兵數。應酌量加增。並將該營參將。升為副將。以資
控扼也。查浙省水師鎮將。均在甯波。台州。及温州三屬。不
啻鱗次櫛比。浙西則止乍浦一營。額設外海水師四百九
十名。以參將統領。與浙東相較。多寡懸殊。從前原因浙西
近在腹裏。與浙東之壤接閩洋。地居衝要者不同。故設兵
分職。不與浙東一律。現在情形。與從前迥不相同。浙東固
屬緊要。乍浦界居江浙兩省之中。上為江蘇藩籬。下為杭
州保障。且距定海不遠。亦有犄角之勢。原設兵丁甚少。參

將體制未崇。實不足以資巡防。而示控扼。應添設外海水師五百一十名。連原設之兵。共成一千名。並將參將升為副將。庶軍威壯盛。戰守有備。江浙咸資控制矣。

一海鹽縣之澉浦地方。應添設外海水師。以資接應也。查海鹽地處海濱。所轄之澉浦。緊接乍浦。勢屬唇齒。該處建有城垣一座。附近之黃道關。亦築有礮臺一座。惟汛兵寥寥無幾。該處及海鹽有警。均待援於乍浦。乍浦有警。該處與海鹽會兵援應。殊失輔車之勢。且由乍浦至海甯之尖山。中間別無牽制。可以揚帆直入。於近省重地。尤屬關繫匪輕。應於澉浦專設一營。駐劄都司千總把總各一員。兵

丁三百名。作為外海水師。即名為澈浦營。責令在海鹽海甯兩州縣洋面巡防。仍歸乍浦營統轄。如此則乍浦得有接應。海甯亦資捍蔽矣。

一海甯州添設內河水師。以衛根本也。查海甯離省一百里。所轄之尖山以內。係錢塘大江。尖山以外。即屬大海。直達澈浦乍浦。二十一年。夷船屢至尖山窺探。因沙線曲折。不敢深入。幸而無事。然沙線坍塌。漲靡常。不可深恃。防範必須謹嚴。現在乍浦澈浦兩處。議請增添外海水師。尖山以外。已屬有備。而尖山以內。沿江一帶。及海甯州城地段。綿長。僅止杭州。協派兵分汛防守。勢殊寡弱。該處為省城。

門戶。必須添設官兵。以期保衛。應於海甯州城專立一營。設內河水師都司千總各一員。把總二員。兵丁四百名。即名為海甯營。歸杭州協統轄。飭令自海甯州與錢塘縣交界地方起。至尖山口外之鳳凰山止。駕船哨巡。其杭州協原派海甯分防各兵。即撤回省城。作為存營。俾令操習。如此則江海要區。內外均有備禦矣。

一現議添設之員弁兵丁。應在本省各營裁撥。以節糜費也。查乍浦澉浦兩處。現請添外海水師八百一十名。海甯州現請添內河水師四百名。共應添兵一千二百一十名。未便憑空添設。致糜糧餉。應在本省酌量裁補。以節經費。

除臣等現請將乍浦旗營額設水手漢兵二百名裁汰。即
以之抵補外。計乍浦等處尚應添兵一千一百一十名。應
於腹裏之衢州鎮標裁兵一百七十名。處州鎮標裁兵一
百八十名。金華協裁兵八十名。嚴州協裁兵八十名。湖州
協裁兵七十名。嘉興協裁兵九十名。紹興協裁兵一百二
十名。衢州城守營裁兵三十名。麗水營裁兵四十名。楓嶺
營裁兵五十名。大荆營裁兵五十名。磐石營裁兵三十名。
安吉營裁兵二十名。連乍浦旗營所裁水手漢兵二百名。
共合成一千二百一十名。其各鎮協營應裁各兵均令於
分防塘汛兵內酌裁十分之七。存營兵內酌裁十分之三。

於出缺時。在現議添設之下浦等處。如數招募。至漱浦海
甯。應添設都司二員。千總二員。把總三員。亦應於本省事
簡各營裁撥。查溫州鎮所轄之大荆營。駐紮樂清縣之大
荆寨城。樂清既設有副將都司等官。大荆又設都司守備
各一員。設官較多。應裁去大荆營都司一員。移至漱浦安
設。其大荆營都司事務。即歸該營守備辦理。又處州鎮所
轄之麗水營。設有都司一員。與處州鎮俱駐該府城中。該
營事務。可歸鎮標中營遊擊就近兼管。應將該都司裁汰。
移至海甯安設。再於安吉營。及杭嘉湖道所轄之海防營。
各裁千總一員。嘉興協。楓嶺營。太平營。各裁把總一員。撥

赴澈浦海甯分駐。即敷應設之數。至大荆營都司。係陸路題缺。麗水營都司。係陸路部推之缺。今既分別移駐。改為外海內河水師。非熟悉江海形勢。諳練水務者。不能勝任。應俱改為水師題缺。由外揀員請補。以期人地相宜。如此則添設之員弁兵丁。俱就本省移撥。不必另籌俸糈經費。可期節省兵。

一道省陸路兵丁。應選擇十分之三。專習火器。以備戰守也。查向例兵丁。差操兼重。並非專練技藝。兵技亦不止火器一項。故各兵多未精練。茲當整飭營伍之際。應照古人選鋒之法。將通省兵丁。酌選十分之三。專練火器。以備攻

戰。查浙省陸路各營額設兵二萬五千餘名。除海防營兵丁專司塘工。並臣等現擬將提督左營等陸路兵丁改作水師外。計各營尚存陸路兵二萬三千餘名。共可選出七千名。每百名以六成專練鳥槍。四成專練擡礮。並習大礮。免其一切差使。每年除封印及遇雨遇雪停止操演外。計一年約可操演三百日。以準頭及連環陣式為二項。鳥槍所及至遠不過一百餘弓。各處教場均可習練準頭。應於三日之中。以兩日演陣式。一日演準頭。每月令該營將領校閱陣式兩次。準頭一次。餘日皆令千把總守備帶領操演。計三百日可演鳥槍陣式二百次。準頭一百次。每次均

以三槍為度。庶兵不過勞。而時堪逸。及至擡礮所及較遠。大礮則里數更遙。各處教場類皆不足一里。不但難演大礮。並難演擡礮準頭。應於每年秋季禾稻登場之後。各擇寬廣地面。專練擡礮準頭。兩箇月。大礮準頭一箇月。每十日。令將領親閱一次。餘日亦令千總等官操演。此外均於教場演練陣式。亦均以三礮為度。如此稍可變通。則不為地勢所拘。而陣式準頭。兩無偏廢。可期與鳥槍一例精熟。惟各兵雖廁身行伍。仍各由藝業營生而來。除差操之外。均可各謀所事。今選出各兵。終年操演。無暇另覓生涯。其所領餉糧。祇敷餬口。不克贍家。非酌加調劑。殊非所以恤。

兵艱不能安其心。即不能用其力。應請量予賞犒。俾於體恤之中。寓策勵之意。以期一舉兩得。臣等公同籌議。除操演陣式。及把總等官校閱準頭之日。槍兵能中三槍者。賞銀二錢。兩槍者。賞銀一錢。礮兵能中三礮者。賞銀四錢。兩礮者。賞銀二錢。其僅中一槍一礮者。毋庸給賞。如不能命中。以及連閱三次而所中均止一槍一礮者。記過一次。積過至兩次者。棍責。三次者。斥革。其各備弁之功過。即以兵技之優劣為差。如將領等閱看之時。該備弁等所管兵丁中。並無記過之人。准其記功一次。第二次各兵仍未記過。記大功一次。以後按次遞加。能積大功至三次者。記名升

拔。儻兵技荒疏。將領等校閱之時。記過之兵。浮於給賞之兵。或各兵因積過。斥革至五名以上者。將該備弁記大過一次。積至三次。即據實叅劾降等補用。此外存營分汛各兵。並令一體認真操練。不准虛應故事。如此明定章程。賞罰嚴明。兵皆素練。足備禦侮折衝之選矣。

一乍浦駐防旗兵。應專習陸戰。以備攻守也。查乍浦滿營。設於雍正年間。原因該處地居海濱。綠營兵數無幾。難資鎮守。故分駐八旗兵丁。俾壯聲勢而重地方。該營原設趕繒船二十隻。水手兵四百名。令旗兵習學水務。嗣將船隻水手兵陸續裁減。現在尚存趕繒船十隻。水手兵二百五

十名。內五十名。於旗兵內挑補。二百名。召募漢人充當。是該營本有巡洋之責。惟旗兵素以騎射為重。於洋面情形不甚熟悉。飭令學習。終屬隔膜。且洋面遇有失事。旗營並無承緝之責。亦無從責效。所設趕繒船水手兵。徒滋糜費。並於騎射本藝。轉致拋荒。實屬有損無益。臣等逐加籌議。該營設立已久。且海防重地。或移或撤。皆非長策。當此整頓營伍之時。且應就其所長。專令練習陸戰。並練火器。以期責實程功。現在乍浦地方。臣等擬請添設礮臺。僅有海寇竊發。即可據險守禦。如海口萬一疏虞。臣等現於乍浦之後路。亦逐加布置。應將該營兵丁。撤至後路扼守。既保

平湖兼衛嘉興以期萬全。所有該營額設趕繒船十隻。滿漢水手兵丁二百五十名。應全行裁汰。所裁之滿水手兵五十名。即改為陸路旗兵。考選弓馬槍礮純熟者充補之。漢水手兵二百名。即抵補乍浦營現請添設之兵。如此則該旗兵得專心練習。與乍浦水師互相表裏。水陸均為有備矣。

一水師應令以巡緝為操練。以收實效也。查水師技藝在於辨識風雲沙線。折戩船隻。施放火器。與陸路情形迥不相同。若常川在內港操演。於實藝轉多拋荒。殊屬無益。惟有責令實力巡查洋面。擒捕盜賊。則不待操練。而兵技自

精。浙。省。水。師。各。營。俱。有。管。轄。洋。汛。又。有。分。班。巡。查。之。例。立
法。本。屬。周。密。近。因。弁。兵。怠。惰。偷。安。每。當。巡。防。之。時。多。以。守
風。守。水。為。名。潛。在。島。嶼。灣。泊。或。於。城。鎮。相。近。處。所。往。來。行
駛。掩。人。耳。目。故。海。洋。盜。案。層。見。疊。出。而。弁。兵。之。技。藝。亦。日
懈。日。疏。嗣。後。由。提。鎮。嚴。加。督。率。照。例。分。班。分。汛。認。真。巡。緝
以。獲。犯。之。多。寡。定。巡。哨。之。勤。惰。除。將。備。千。把。遇。有。失。事。之
案。例。有。處。分。如。能。獲。犯。亦。例。准。議。敘。毋。庸。另。議。外。其。兵。丁
則。令。將。領。隨。時。稽。察。如。操。舟。不。靈。捕。盜。不。加。以。及。巡。查。日
久。不。知。風。雲。沙。線。不。堪。造。就。者。分。別。責。革。如。技。藝。純。熟。復
能。擒。獲。盜。犯。即。詳。報。提。鎮。記。名。遇。有。水。師。弁。缺。將。獲。犯。數。

多之兵。儘先拔補。以示鼓勵。至浙省巡洋兵丁。向係加給銀餉。應毋庸再行給賞。以節糜費。如此則寓操練於巡緝之中。功效更為覈實。洋面亦可就肅清矣。

一水師各鎮。應照例出洋統巡。並按期會哨。以期整肅也。查定例水師每季巡洋。以總兵為統巡。又浙江省温州定海兩鎮。應與福建之福甯鎮。江南之崇明鎮。本省之黃巖鎮。會哨。誠以總兵為專閫大員。一經出洋。則所屬將備。斷不敢怠玩從事。而各鎮於交界處所會哨。則聲勢聯絡。匪類自不致有此擎彼竄之患。法至善也。乃浙省自蔡逆蕩平之後。洋面靜謐。各鎮雖亦出洋巡緝。而一年之中。終屬

在洋之日少。在署之日多。至會哨則更屬有名無實。因此上行下效。水務日就廢弛。茲當整頓海防之日。應申明定例。每季俱令總兵出洋統巡。如實有緊要事故。不克分身。方准委副將暫代。其會哨例有一定處所。一定日期。並令該鎮等按期赴各該處會哨。仍照例責成。該管各巡道親赴會哨之處。當面取結具報。如此則弁兵整肅。水師自日有起色矣。

一提督應每年親往沿海各營。校閱兵技。以資督率也。查定例各省提督。於所屬各營。如地方不甚遼闊。一二年巡查一次。地方遼闊者。三年內輪巡一次。浙省袤延數千里。

各營密布星羅。提督勢不能按年巡歷。至沿海地方。則除浙西之杭嘉二府。及紹興府。雖屬濱海。仍係內地外。其餘則惟甯波台州温州三府。甯波為提督駐紮之區。所屬之定海鎮海。均相距不遠。其台溫二府。以內地道里而計。雖屬稍遠。若由海道前往。則一帆可達。每年親往巡閱。事屬便捷。嗣後應於每年冬間。由提督輕騎減從。航海親赴黃巖温州二鎮。將該鎮標及附近之台州協甯海營太平營瑞安協平陽協樂清協盤石營大荆營玉環營温州城守營各水陸兵丁校閱一次。其象山協昌石營二處。亦順道校閱。將來定海收復。該鎮標兵丁歸伍後。亦一體考校。並

將兵技情形。恭摺奏報。則沿海營兵。自可日就振刷矣。
一巡撫每年應親赴乍浦等處。校閱兵技。俾有考覈也。查
乍浦水師營。係提督管轄。巡撫並無校閱之責。茲臣等請
將該營兵數。加足一千名。並於海甯澉浦等處。設官駐兵。
自應認真校閱。力祛積弊。以期各兵悉成勁旅。不同虛設。
惟提督相距較遠。未能按年前往閱看。嗣後應由巡撫少
帶隨從。於每年冬間。親赴海甯澉浦乍浦。將各水師校閱
一次。其嘉興協兵丁。亦順道閱看。仍將校閱情形。彙同省
兵冬操。恭摺奏報。庶士氣可期。策勵營伍。不致廢弛矣。
一水師額設戰船。應俟同安梭船造成。試驗後。按營分別

安設也。查浙省額設戰船二百八十九隻。有米艇同安。起
糧。釣桶。沙河。平底。釣船。巡船等名目。大小不一。各營領駕。
自一二隻至七十餘隻不等。向例三年一小修。六年一大
修。九年一拆造。自暎夷滋事。定海鎮暨提標石營鎮海營
昌石營乍浦營各船。悉皆被燬。其餘黃巖等標營之船。因
調赴鎮海等處防堵。亦間被燬壞。又有因年限屆滿。及遭
風擊壞。駕廠修造之船。計各營現存船隻。為數無多。自應
一律修造添補。惟臣李廷钰前擬改造同安校船。經臣劉
韻珂奏奉

諭旨。先造二隻試驗。已於軍需項下。動撥銀一萬二千八百兩。委

員赴閩製造同安拔二隻。子船四隻。俟造成駕駛來浙。如
驗係合用。應將船已全燬之定海等標營。及現擬改作水
師之提標左營等處。按兵丁之多寡。酌定設船數目。全數
製給新船。其餘黃巖等標營船隻。尚有存留。應將在鎮海
等處焚燬缺額。並應行拆造者。改造試驗合用之新船。其
舊有之營船。祇須修葺者。仍按限分別修葺。俟屆應拆造
時。再行另造合用之新船。庶要工不致並舉。而洋面亦不
慮無船配緝矣。

一錢塘江內。應添設相宜船隻。以習水戰也。查錢塘營係
內河水師。而並無額設船隻。因之弁兵俱在陸路操防。不

知水務名實已屬不符。現經臣等請於海甯駐設內河水師。應與錢塘營一並添設船隻。飭令演習水戰。俾資備禦。惟錢塘江內沙線縱橫淺深不等。潮汐又甚洶湧。船隻宜於輕便。同安梭等項均屬重笨。不能合用。臣劉韻珂現在體察情形。擬有船式。又兩江督臣耆英在江省製造閩頭杉板船。亦為防江之用。應每種各製造一隻。察看何項尤屬相宜。再行酌定數目。製給錢塘水師營。及現擬添設之海甯營。配兵演習。俾各兵諳練水務。可期有備無患矣。

一水師應召募善於泅水之人。教習各兵。以廣兵技也。查水師技藝。本有泅水一項。然止能演於內港。不能演於外。

洋。蓋緣海水味鹹。人不能深入。久耐之故。茲查甯波海鹽等處漁戶。多有沒入海底。鑿取海物之人。於深水大洋。狂風巨浪。皆所不避。並有入海之後。潛伏數刻。始行晃出水面者。實為絕技。應用重價。酌募數人。仍於每營各派兵數十名。使之教習。日後各兵與海相習。可期遇敵出奇。相機制勝矣。

一招寶金雞兩山。及乍浦等處。原建各礮臺。應照舊修復。並擇要添築。以衛海口也。查招寶金雞兩山。為浙東鎖鑰。乍浦為浙西保障。皆屬緊要之區。所以遇寇氣而衛境土者。全恃乎大礮之轟擊。而大礮必須築有礮臺。轟擊方能

得力鎮海向止招寶山礮臺一座。乍浦亦止西山背獨山
寨礮臺二座。道光二十年。臣劉韻珂到任後。親赴各該處
相度。奏明在招寶山下。及金雞山上下。並該二山之內。攔
江埠兩岸。各添築礮臺礮墩數座。其乍浦地方。亦奏明於
觀山下添築礮臺一座。並於天后宮西行汎一帶。分築礮
墩。俱屬擇要設險。迨臨陣之際。因兵非素練。遇敵即潰。致
各臺皆成虛設。初非當時建築之不善。故臣特依順。臣劉
韻珂。臣李廷鈺。各赴鎮海乍浦。先後覆勘。原建各臺均當
衝要。自應一並修復。以資捍衛。至金雞山後。有汶港一道。
名為小港。上達郡城。係由定海赴郡之間道。且可由此登

陸。潛襲金雞山之背。應於港口添建礮臺兩座。俾敵人無
間可乘。又鎮海縣城之北。緊臨大洋。前係在城垣上設礮
防禦。惟該處洋面甚寬。敵舟若由遠處越過城垣。再行繞
至城旁。城上礮位。即難得力。應於北城外海塘上。添建礮
臺一座。庶三面可以轟擊。敵舟不能駛攏。又乍浦形勢散
漫綿亘。處處可以登岸。且面面逼近大洋。賊匪船上大礮
均可擊落。駐防城中。實屬無險可扼。勢難盡築礮臺。且亦
無此多兵。而地關緊要。又未便棄而不守。惟有擇其尤要
者。再建礮臺數座。以期保衛。應於軍工廠添設礮臺一座。
唐家灣添設礮臺二座。金家灣添設礮臺一座。與原建各

礮臺礮墩。互相連絡。稍可補地利之不足矣。

一鎮海乍浦之後路。均應添築礮臺。並將海甯州鳳凰山。原建礮臺。移置山下。以昭嚴密也。查此次軍興以來。各省均專防海口。而不及內地。故海口之師。一經潰散。人心瓦解。敵人遂得長驅而入。甯波之失守。與夷船之直逼江甯。皆由於是。查康熙年間。閩逆鄭成功竊據臺灣。屢次內犯。其時曾將沿海居民。內徙數十里。以避焚掠。蓋以防海較難。必須熟籌萬全之計。以期強寇不能深入。今茲籌議善後。海口之布置。固不可稍疏。而內地之防閑。尤必須豫策。庶層層關鎖。敵弱則捍禦於外。可收克捷之功。敵強則固

守於內。藉免潰散之患。茲勘得距甯波府三十里之梅墟地方。為自鎮海赴郡必由之路。該處江形曲折。港面不寬。可以扼守。應於南北兩岸。各建礮臺一座。又離梅墟三四里之盍孟港。岸勢灣抱。船隻必須傍岸行駛。亦宜於對岸添建礮臺各一座。俾阻其自鎮入郡之路。又慈谿縣之丈亭地方。為餘姚慈谿兩港合流下入甬江之處。實為兩縣緊要關隘。亦應添建礮臺一處。以期左顧餘姚。右顧慈谿。又乍浦緊接平湖縣城。平湖之北。即屬嘉興。為江浙兩省腹裏要區。乍浦一經失事。即可由平湖直犯嘉興。江浙必致中梗。自應於乍浦之後。添修守備。以保平湖。而兼保嘉

興。茲查該處。以港紛歧。路徑叢雜。內惟聖塘關。通濟橋。萬
程橋。大星橋。四處。最為衝要。應分別建築礮臺。礮墩。各一
座。以禦內侵。又海甯州居省城之外。尖山。又居海甯州之
外。州屬之鳳凰山。前明曾建有礮臺一座。地勢太高。不甚
得力。此外各處。港面寬闊。雖添築礮臺。而礮力不能擊及
中泓。亦屬無濟於事。應將鳳凰山。原建礮臺。移置山下。以
期與地勢相宜。遇敵。可以轟擊。不致徒壯觀瞻。毫無裨益。
以上鎮海。乍浦。各後路。及海甯州之前。節節設防。儻遇海
上有警。不專恃海口一旅之師。萬一海口失利。內地仍可
嚴防。人心可期。固結矣。

一海甯海鹽交界之談仙嶺地方應建築石寨內修礮臺以防陸路也查省城東接海甯海甯又東接海鹽一路塘岸袤延地勢平坦惟海甯海鹽交界之處山嶺周遭內談仙一嶺為往來必由之路兩山夾徑有一夫當關之勢若不於此處設法扼守儻海賊由乍浦澈浦等處登岸越嶺而過則塘岸之上戰守皆難海甯省城均不免於被警應於該嶺夾徑處建築石寨一座寨內再建礮臺二座將原駐澈浦之兵丁輪防其地則省城東路要隘已有防範強寇不能飛越內犯矣

一沿海城寨應擇要修復以備藏伏兵船分縣抄襲也查

浙省沿海一帶除府州縣城池之外其緊要之村鎮為乍浦。澈浦。石浦。穿山。郭衢。昌國。及大嵩。崑亭。觀海等處。俱築有城寨。不下數十處。皆前明備禦倭寇而設。現在乍浦已成重鎮。此外或酌駐官兵。或並未駐設官兵。其舊有城寨已大半坍塌。查用兵之道。奇正相生。庶或攻其前。或襲其後。或抄其旁。可期制勝。而海洋遼闊。一覽無餘。可以伏兵之處甚少。前項各城寨。多在海汊。及山海交錯之區。可以藏伏兵船。屯貯糧餉。軍火。而城多毀壞。無以自固。應擇其緊要者。酌量修復。庶有警之時。可以伏兵貯餉。伺間出奇。

兵。

一各兵所需賞項。應酌裁馬兵。節省經費。以資協貼也。查各營陸路兵丁。現擬選出七千名。以二千八百名練習擡礮。大礮四千二百名。專練鳥槍。令各營將領。分別校閱槍礮。準頭。將中三槍兩槍三礮兩礮之兵丁。分別給賞。計一年之中。將領應校閱槍兵準頭十次。每次準頭以八成率算。中三槍之兵約一千二百餘名。需賞銀二百四十餘兩。中兩槍之兵約二千一百餘名。需賞銀二百十餘兩。每次約需賞銀四百五十餘兩。十次約共需賞銀四千五百餘兩。又將領每年校閱礮兵九次。每次準頭亦以八成率算。中三礮之兵約八百四十餘名。需賞銀三百三十餘兩。中

兩破之兵。約一千四百餘名。需賞銀二百八十餘兩。每次約需賞銀六百一十餘兩。九次約共需賞銀五千五百兩。統共約需賞銀一萬兩。

國家經費有常。此項賞犒。未便開銷正款。而為數較多。又非將領等所能捐墊。自應另行籌畫。查浙省地處東南。非沮洳水田。即崎嶇山路。本非騎兵用武之地。故歷來曾將馬兵陸續裁改。現在通省尚存馬兵二千四十四名。應再裁馬兵四成。共裁八百二十名。以無閏之年計算。每年可節省馬價草乾兵餉等銀一萬八千一百餘兩。除去賞項銀一萬兩。尚贏銀八千一百餘兩。即為加增火藥鉛丸之用。

至現在裁改之馬兵。仍月給餉銀二兩。俟出缺後。改為戰兵。照戰兵例給餉。其現裁馬八百二十匹。應行變價。惟營馬不便賣給民間。應俟下屆將各營應行買補馬匹。於裁減數內撥補。扣收馬價充賞。毋庸出口購買。俾營馬仍歸營用。此外如尚有多餘。即查明匹數。移知鄰近之江蘇福建等省。將該省應行買補之馬。就近至浙省領買。以期裁減之馬。得以一律銷變。至未經裁改之馬兵一千二百二十四名。應按照營分之大小。並向設馬兵之多寡。分別酌存。以備各兵騎操。如此則節馬兵之浮費。作練兵之賞需。餉不虛糜。款歸實用矣。

一選練槍礮各兵。所需火藥鉛丸。應分別添製。俾供操用也。查臣等現擬於通省陸路兵內。選兵七千名。專練鳥槍。擡礮。除封印及遇雨遇雪停操外。每兵一年。約應操演三百日。每日每槍兵一名。需火藥九錢。三百日約共需火藥十六斤零十四兩。計槍兵四千二百名。統共需火藥七萬八百七十五斤。每日每礮兵一名。需火藥四兩八錢。三百日約共需火藥九十斤。計礮兵二千八百名。統共需火藥二十五萬二千斤。兩共需火藥三十二萬二千八百七十五斤。浙省向來製造火藥。每百斤共需硝磺腳價及炭土等銀七兩三錢六分零。內部定例價銀四兩三錢零。餘銀

三兩五分零。於通省文武各員養廉銀內攤捐津貼。茲造藥甚多。不敷之款。勢難攤捐。應照實需銀兩彙算。計火藥三十二萬二千八百七十五斤。共需銀二萬三千七百六十三兩零。又槍礮演練準頭。應加用鉛彈。每槍兵每次用鉛彈九錢。一百次應用鉛彈五斤十兩。計槍兵四千二百名。共需鉛彈二萬三千六百二十五斤。每礮兵每次用鉛彈四兩八錢。六十次應用鉛彈十八斤。計礮兵二千八百名。共需鉛彈五千四十斤。共需鉛彈二萬八千六百六十五斤。定例兵丁操演所用鉛彈。限令繳回七分。報銷三分。茲操演日多。鉛彈屢經火炙。易於炸裂。照例繳七銷三。實

屬不敷應用。應限令繳回五分。准其報銷五分。計實需鉛
彈一萬四千三百三十餘斤。浙省例價每鉛彈百斤給銀
三兩五錢。近來市價昂貴。例價僅敷其半。餘係各營賠貼。
茲所用較多。亦難賠墊。應照市價覈實支銷。每百斤給銀
七兩。約共需銀一千餘兩。又槍礮兵所用火繼。向係兵丁
自製。並未支領價值。茲選出各兵。逐日操演。用亦較費。應
每兵每年酌給銀二錢。俾令製備。計槍礮兵七千名。共該
銀一千四百兩。三項併計。共需銀二萬六千一百餘兩。除
裁改馬兵項下贏餘銀八千一百餘兩。貼補應用外。約不
敷銀一萬八千餘兩。容臣劉韻珂體察情形。或飭兩浙商

人按引攤輸。或由藩運二庫。籌撥開款。另行奏咨辦理。至浙省每年額銷火藥八萬七千七百餘斤。鉛彈一萬二千九百餘斤。茲選出兵七千。業已另給火藥鉛彈。額銷鉛藥。可以節省。應即抵作操演大礮之用。毋庸減辦。僅演練大礮。仍有不敷。亦一並另行籌款製造。如此則軍火充足。各兵可資操練矣。

一各處礮臺及戰船內應配礮位。應分別添鑄。各營遺失器械。並飭如數補製。以供操用也。查鎮海乍浦及梅墟。孟港。文亭。聖塘。閘。通濟橋。萬程橋。大星橋。談仙嶺等處。現俱擬修建礮臺礮墩。共計二十餘座。每座大者可安礮十

餘位。小者自四五位至七八位不等。約共需礮二三百位。又同安梭每隻約可安礮十位。造成後如驗係合用。則提定等標。與乍浦鎮海等營約共需船六七十隻。應需安礮六七百位。浙省自道光二十年設局鑄造。除於定海鎮海乍浦失守時遺失。並撥往各處安設外。計省局現尚存礮五百餘位。不敷各礮臺各船之用。現在省局尚存有鑊斤。應仍陸續添製。如鑊斤不敷。即委員赴湖北採買。至提定等標。及鎮海乍浦等營軍裝器械。俱已無存。此外調防各營亦多遺失。除將軍需局製存軍器。均勻撥給外。其餘短少之物。應由各營造冊詳請補製。務須堅利適用。不准稍

有偷減。所有添鑄礮位。補製軍械。需用工料各價。即於軍需留備善後項下支銷。如此則礮械足備。可資操習矣。

一應修應建各礮臺。及城垣衙署兵房各工。應分別動款興辦。並勸諭捐輸。以資協濟也。查鎮海等處礮臺。舊有者應需修葺。新設者應需建造。又甯波。鎮海。乍浦。各城垣。及被兵各處文武官衙署。與各塘汛兵房。及現擬設營各處之衙署兵房。均應分別修建。以供操防而資棲止。除文員衙署。應於藩庫借支。養廉修復。按年攤捐歸款。又乍浦。副都統衙署。及該處兵房公所。分別動項借餉修葺外。其餘礮臺。城垣。兵房。並武職衙署。應委員逐一勘估。於善後項

下動支興辦。惟工程浩大。需費不貲。儻有急公好義之官紳士民。無論本省外省。情願捐輸。則多一分捐貲。即可省一分帑項。應請准其捐輸。無論捐辦何項工程。俱欽遵二十一年九月間所奉

諭旨。奏請破格

施恩。如此則各工可以並建。經費亦可稍節矣。

硃批。軍機大臣會同該部議奏。

甲寅。革職留任兩廣總督祁項三。品頂帶廣東巡撫程高。采奏。竊臣祁項先於本年正月內。將修築虎門礮臺情形具奏。並繪具圖說。恭呈

御覽。三月十八日。承准軍機大臣字寄。奉

上諭。祁墳等奏修築虎門礮臺一摺。朕披閱圖說。臺形較舊加高。礮口亦多。所辦尚屬周密。著即照議辦理。惟防守礮臺。兵弁必多。其在緊傍山麓者。設遇有警。應如何為後路接應。以防抄襲。其孤懸海中之礮臺。尤不可無策應之兵。儻遇有警。應如何一呼即至。既可保護礮臺。並可出奇制勝。該督等均未議及。著祁墳程喬采。吳建勳。體察情形。悉心妥議。再行具奏等因。欽此。伏思虎門礮臺。既經修復。必須重兵防守。而水師弁兵。本屬不敷。陸路兵額。復經臺次抽撥。無可再裁。若請增添兵額。又須增添兵餉。經費有常。辦理更為不易。臣祁墳前於興

築虎門各臺時。即經再三籌議。以為不動帑項而費自充。不煩徵調而守已固。似莫如做行屯田一法。緣自古為政之道。以君養民則不足。使民自養則有餘。屯田之法。以本地之田。養本地之民。即以種田之民。為禦侮之兵。自養有餘。事可經久。臣祁項上年十月間。因會勘虎門礮臺情形。曾經一路留心察看。見虎門附近及沙角大角一帶。多有淤出沙坦。均可就勢圍築成田。令土人承種。且該處已屬海面。與江流無礙。旋省後。與前撫臣梁寶堂及各司道公同商酌。僉以為可行。當即密行委員前往。協同該處紳士耆民。確行查勘估計。嗣據稟覆。約計可得沙田一百三十

餘頃。又水坦可以圍築者三十餘頃。約估修圍工費。在五萬兩上下。臣等以此事所關甚重。成則公私交利。若辦理不善。必致百弊叢生。非公正大員。專司董理。難以集事。因糧道本有管理糧務之責。本任事務較簡。可以兼顧。現任糧道孔繼尹持已清正。辦事精詳明練。屢次委令往勘。並飭自行選派委員。隨同料理。二三月間。已有兩處興工。試辦。現因而多潮旺。人力難施。暫行停工。臣等前此之不敢即行具奏者。因事頗繁重。成否難必。未敢遽達。

聖聰。迨恭奉。

諭旨後。臣等復會同詳議。虎門各礮臺。除上下兩橫檔。皆孤峙海

中其餘各臺。或後靠石壁。或傍依山麓。敵人之抄襲宜防。我兵之聲援須壯。必須層層接應。方保無虞。若屯田之法。行則各臺外阡陌縱橫。既可阻夷船之衝突。而應募守臺者。非其父兄。即其子弟。各思衛其田廬家室。勢必一呼即至。即可為前路應援。並多設伏兵。後路亦足資其策應。至上下兩橫檔。並無後路。則必須大小兵船。往來應援。聲威方壯。查東莞民人。風俗素強。每遇私鬪。奮不顧身。藉此自然之利。堅其相衛之心。室家之計。難忘。即

君親之戴。益固守隘防虞。似舍此別無他策。今既有可開沙田一百三十餘頃。水坦三十餘頃。按田坦之肥瘠。每夫酌撥六

七畝。隊長畧為加增。約計可得屯兵二千人。再諭令士民將附近虎門各處沙坦。凡有甫行開墾。未經升科者。隨時具報。召佃收租。留作屯務雜費。及製辦屯兵軍裝器械。每月操演賞犒之用。一概不動公款。此日等前此試辦屯田。及恭奉。

諭旨。又會同酌議之情形也。惟修築各沙田基圍。工費不貲。籌款無出。臣等現在勸諭紳士。量力捐輸報効。伏思粵東紳民。急公好義者。當不乏人。而屯田為防護礮臺而起。即與捐資修臺無異。懇乞

皇上天恩。俯准將捐辦屯田之紳士。按所捐銀數。照捐資築臺鑄

做一律請給鼓勵。則輸將必多踴躍。事或易於速成。將來築園之日。即由原辦委員。協同本處公正紳士。公同料理。以期工歸覈實。五月間。

欽差大臣書英到粵後。臣等面為商酌。據云屯田之法。消患弭釁。如辦理得宜。大有裨益。臣等受

恩深重。肩此海疆重任。惟有竭盡心力。籌策萬全。以期仰副聖主垂念海隅。有備無患之至意。仍俟築就園田。議定屯守章程。再行詳晰奏明辦理。

祁墳程番米又奏。道光二十三年四月二十九日。臣等奉准軍機大臣字寄。欽奉

上諭御史田澗奏請團練鄉兵。以杜後患而節軍需一摺。著該將軍督撫按照該御史所奏體察情形。詳籌妥議。據實具奏。欽此。伏思

國家設兵原以衛民。而兵之衛民。恆不若民之自衛。蓋身家之繫。懸難忘。即

君國之忠忱。益奮前因。嘆夷不靖。駛往沿海各省。滋擾粵東防堵宜嚴。而經費又難為繼。節經臣祁墳會同前任各撫。臣隨時示諭沿海各鄉村。舉行團練。所以固藩籬。即所以節軍餉。隨據附省西北各鄉紳士。何有書李芳等。先後創建昇平社學公所。聯合各鄉居民。捐資練勇。嗣於二十二年十

一月。復據省城東路各紳士。請設東平社學公所。並於石
岡書院等處。一律舉行團練。查叢所議團練事宜。及所需
經費。皆由各鄉紳民。自行量力捐貲。公舉公正紳士承辦。
議定日期操演。分別賞罰。其公項悉行存貯社學公所。以
備支應。原不經官吏之手。並無抑勒富民。亦未請領經費。
臣程孟采到任後。曾親赴東平社學查驗。並詳詢地方情
形。人心固結。隊伍整齊。當即優加獎賞。凡不便於民之事。
概行屏除。當不形其煩擾。至粵省本無差徭之苦。無從優
免。惟酌給賞需。即足以恤其勞而堅其信。至海岸要隘各
處。接應聲援。尤關緊要。斷不能因目前之就撫。而忽善後。

之防維。臣等查虎門為入省第一重門戶。而省垣為根本重地。必須內外交嚴。前後相應。方可有備無患。除虎門各臺修竣之後。現擬酌行屯田。以耕代守。亦即寓兵於農之意。已另行恭摺具奏。其田距礮臺不遠。該屯丁守望相助。可為前路應援。並擬於山背山腰。移置礮位。添設伏兵。似後路亦足以資其策應。又省河新修各礮臺。內有三合土礮臺十座。均為要隘。前後壯勇防守。自裁撤之後。業已改派弁兵。毋庸再議。外所有附省各鄉西北一路。先既有昇平社學公所。以為團練總匯之地。茲東路復立東平社學公所。陸續舉行。聲勢似為聯絡。再查粵東民俗強悍。然談

及忠義。多知奮發。本屬可與有為。誠得官長倡率於上。公正紳士勸諭於下。移私關於公義。進有勇以知方。則連鄉寓指臂之形。野人即腹心之選。該御史所奏。實為目前第一要務。而於粵省情形尤宜。即如原奏所指三元里各鄉民合殲夷匪一事。即其信而有徵者。臣等愚昧之見。總以民為邦本。民心堅定。則

國勢自張。外夷之所憚者在此。內地之所恃者即在此。且自辦理團練以來。西北陸路一帶。搶劫之案。亦較稀少。地方獲安堵之益。實團練有成效之證。臣等仍不敢稍涉懈弛。惟有實心實力。隨時隨事。體察情形。詳妥辦理。務期有濟。

實用足固邊防。冀可仰寬

宸廑。

諭軍機大臣等。祁項等奏籌畫礮臺。擬行屯田一摺。據奏虎門等處礮臺。現經修復。必須重兵防守。而兵額未便請添。查出虎門附近及大角沙角一帶。多有淤出沙坦。可以圍築成田。令人承種。其餘各臺。或後靠石壁。或傍依山麓。均可酌行屯田之法。藉以保護礮臺。惟上下兩橫槽。並無後路。必須大小兵船往來。援應等語。以本地之田。養本地之民。即以種田之民。為禦侮之兵。固屬守隘防虞。寓兵於農之計。現任糧道孔繼尹既經辦有端緒。著即責成該道一手經理。務使事可經久。不致有名無實。此

次捐辦屯田紳士准按所捐銀數照築臺鑄礮一律奏請鼓勵。另摺奏團練鄉兵於粵省情形相宜附省各鄉有昇平社學公所為團練總匯之地東路復立東平社學公所陸續舉行聲勢聯絡等語著該督等體察情形隨時妥辦務期有濟實用永固邊防是為至要。

丁巳。

欽差大臣兩江總督耆英革職留任兩廣總督祁項三品頂帶廣東巡撫程忞采粵海關監督文豐奏竊臣耆英奉

命來粵查辦稅餉事宜當將抵粵籌議大畧情形及廣州一口定於七月初一日通市緣由先後奏報在案茲復會同臣祁

頃等督飭委員將章程料則往返籌計酌定通商章程十五條並查照粵海關原定稅則議增稅銀之貨五十六種議減稅銀之貨六十四種原例並未賅載現在查明添出者十三種此外另有價值靡常之貨品類不一參用估價定稅之法以歸簡易臣等按冊勾稽截長補短實屬有益無絀現屆六月中旬各國貨船業已雲集不及聽候部覆除廣州一口已定於七月初一日查照新定章程開市貿易其福州廈門甯波上海四處俟部覆到日再行開關但廣州既經開市誠恐福州等口商船聞風駛至相應請旨敕下部臣迅速議覆並由部迅咨各該省知照俾有遵循已將

收稅科則比較贏絀分造清冊咨呈軍機處並戶部其餘未盡事宜容臣等另行妥籌分別具奏。

硃批軍機大臣會同該部覈議速奏。

書英。祁。墳。程。喬。采。文。豐。又。奏。竊。照。廣。東。福。州。廈。門。甯。波。上。海。五。關。議。定。啖。咭。喇。國。出。入。貨。物。應。完。稅。則。及。與。該。國。互。市。章。程。現。經。臣。等。另。摺。具。奏。伏。查。稽。徵。關。稅。既。須。先。籌。

國計。又當俯順夷情。現定章程於

國計夷情似皆有裨。而於粵海一關。辦理公事。不免掣肘。但查此後閩浙江蘇所收啖咭喇等西洋各國貨稅。皆由粵省分出。就粵海一關而論。稅數雖難免於稍絀。而統五關。

計之彼此互相挹注。必當較往年有贏無絀。臣等督飭臬司黃恩彤。侍衛咸齡。體察情形。悉心籌畫。期於粵海關務。不致廢弛。稅額常能充足。並可杜絕沿海漏卮。藉以整頓內地各關之稅務。酌擬九條。敬為我

皇上陳之。

一粵海關原定稅額。應暫歸五口勻攤。以免偏枯也。查粵海關每年應征外洋各國。及內地商船正稅。及銅斤水脚。並額定贏餘。共銀八十九萬九千六十四兩。向來照數征解之外。尚有額外贏餘。每年自一二十萬。至三四十萬不等。現在既分五口通商。則粵海關出入貨物較少。若仍責

令照舊征解。勢有所難。此後粵海關如有徵不足數。應請暫於福州廈門甯波上海四關所徵西洋各國貨稅內撥補足數。即由各海關徑自報撥。其額外贏餘各歸各關儘收儘解。

一五口征收西洋各國稅額。應請試行三年。再行酌定。以歸覈實也。查西洋各國貨稅。本為福州廈門甯波上海四關所無。現在甫准通商。其貿易之良旺。難以懸擬。稅額即難定準。至粵海關將來能否征足舊額。亦不能豫定。應請俟三年後。察看五口每年可征稅銀各若干。比較準確。再將粵海關原額銀八十九萬九千六百四十四兩。分款計算。勻

歸五口。作為定額。如有贏餘。仍以額外贏餘報撥。

一粵海關雜稅款目。應行刪除。以歸簡易也。查粵海關稅。則除正稅耗羨之外。尚有節次改正歸公案內。如官估價。一六算三八擔。匹頭總巡口擔規。東礮臺口黃埔口扁艇。號規。及船鈔內之進口規。出口規。日規。月規。等項雜稅。隨正征解。今既無分正耗雜款。歸作一條編征。綜計均尚有贏無絀。所有節次歸公案內雜項名目。無論現在已未查明。應請一概刪除。免多糾纏。

一平餘備貢等款。應歸於額外贏餘項下開銷。以免無著也。查粵海關解部銀兩。向有每千兩加平餘銀十五兩。係

按稅加收。今既歸作一條編征。則此項銀兩無從抽取。應請仿照解部飯食等項。在額定贏餘項下開銷之例。於額外贏餘數內。各歸各關畫解。其本年新奉加增之二十五兩。亦照此辦理。又每年應解備貢銀五萬五千兩。人參變價約銀十萬兩。上下均由洋商按貨抽算。彙繳監督轉解內務府。又有放關分頭名目。亦由洋商按船按貨抽算。每年約銀四五萬兩。徑繳糧道衙門。撥充普濟堂老人口糧。及漢軍孤貧養贍。義渡快船水手工食。恤糞口糧等項之用。如有贏餘。留備部撥。現在暎咭喇國已議裁洋商。僅其餘各國。亦須一體議裁。則前三項銀兩亦歸無著。應請將

每年變價參斤。毋庸飭發。其價銀一款。每年以十萬兩為率。與備貢銀五萬五千兩。一併在各關額外贏餘數內畫出。視各關征數之多寡。均勻攤解。其放關分頭銀兩。每年於粵海關額外贏餘項下。撥銀四萬兩。解交糧道衙門。查照原案。分別支解。設其餘各國貨稅。仍須由洋商經理。應體察情形。另行酌量辦理。

一粵海關應酌留羨餘。以備公用也。查粵海關每年有應進貢品。及奉文備辦物件。連盤費包紮。並經由各關稅銀等項。計算約需銀十數萬兩。現在羨餘均已歸入額外贏餘項下。而一切均不可少。應請於粵海關額外贏餘項下。

酌留銀十二三萬兩以備支用。如有餘存。儘數報撥。儻有不足。由福州等各海關於額外贏餘內。協濟辦理。

一四口應補征內地各關湖絲稅銀以補不足也。查西洋各國出口貨物。向由內地客商運至廣東交易。經過內地各關。皆應納稅。今改為五口通商。則內地商販自必各趨近便。恐內地各關稅額。致有短絀。內除各項雜貨為數無多。又大宗茶葉一項。已加增稅銀至倍半有餘。大黃一項。已加增稅銀至兩倍有餘。足資挹注。毋庸再議。以免藉口。外惟湖絲一項。雖非茶葉棉花可比。但為外國所必需。現於籌議稅餉案內。與之再三辯論。始定每百斤完稅十兩。

就正額錢糧而論。業已加增。統各項雜稅平餘計之。尚較從前每百斤減銀一兩二錢零。自應飭令內地客商補完。經過各關額稅。以藉補苴。嗣後凡內地客商。販運湖絲。前赴福州。廈門。甯波。上海。四口。與西洋各國交易者。均查明赴粵路程。少過一關。即在卸貨關口。補納一關稅數。再准貿易。如有偷漏。照例懲辦。與各國商人無涉。其餘貨物。悉循其舊。海關丁胥人等。儻敢藉口勒索。許各商據實指告。嚴行提究。

一內地各省販賣茶葉湖絲。綢緞。不准由海載運。以杜影射也。查茶葉湖絲。例本禁止出洋。近因內地各關。勒索過

甚致有內地各商將行銷各省茶葉等貨搭船海運內地各關稅額日形短絀實由於此現定章程於西洋各國應完稅銀大有加增與內地流通商貨稅則輕重懸殊易啓避重就輕與洋船私相交易之弊嗣後除往販東洋等國進出貨稅與本地民間日用各物仍循其舊外所有內地各省行銷茶葉湖絲綢緞三項止准由內地行走不准涉海儻有情願由海販運者即照與西洋各國貿易例一體完稅方准販運出口各海關則例內原有蘆茶蘆絲土絲等項名目全行刪除其臺灣等處應用茶葉絲斤綢緞由各該督撫體察情形另行奏明辦理

一與西洋各國貨稅無涉之客貨。應仍照舊章辦理。以免紛更也。查粵閩江浙等省商民。每多出入海口。販運土產。上至

咸京。下至廣東。往來貿易。其所運貨物。除茶葉湖絲綢緞外。均非西洋各國所需。無虞影射。向來應完稅銀。本有定章。相安已久。所有五處海關。無論大關小口。一切章程。悉仍其舊。毋庸另議。

一各項浮費。應全行革除。以杜弊端也。查各項浮費。於雍正乾隆年間。改正歸公之後。旋又陸續添出。更多於前。即如豆蔻一項。每百斤例征正雜平餘等銀一兩六錢有奇。所

加浮費。幾增一倍。此外各貨之浮費。不知凡幾。歷年既久。以致夷情不服。噴有煩言。現將浮費全行裁革。如敢再有需索情事。無論官弁兵役。俱照枉法贓私革治罪。惟粵海關差役。並無工食。向在進出口貨物內。由洋商按貨抽給。於乾隆九年。經前任監督奏明。准其存留在案。現在浮費裁撤。未便令各差役枵腹從事。轉放藉口勒索之弊。應請查照海關書吏之例。覈給工食。由臣祁頊等酌定名數銀數。另行奏明辦理。

硃批。軍機大臣會同該部覈議。速奏。

著英祁頊程孟米文燾又奏。再查粵海關稅則內。有磺每

百斤收稅銀二錢一條。未經載明是否進口貨物。稽考由來。係為進口之倭硫磺而設。其硝斤一項。並無完稅明文。惟有洋船壓艙之鹹沙。可以煎濾成硝。粵東向辦章程。飭令硝商收買。繳官給價。今臣等查出各國洋船。每年帶有洋硝一項。計數不少。因例無完稅明文。該夷商等均在外洋私售。無賴匪徒。即指為違禁貨物。查拏生事。臣等伏查硝磺之禁止私販。係禁其出洋。非禁其進口也。因並與之議定。每硝一擔。征稅三錢。查照鹹沙舊章。官為收買。存貯附近司道庫。撥充年額。其價值按時酌定。不准稍有抑勒。亦不准私行售給匪徒。所有廣州。福州。廈門。甯波。上海。各

口均一律照辦其出口硝磺仍應嚴行查禁以免偷漏而
資軍火

殊批是依議行知

欽差大臣兩江總督耆英奏竊於六月初九日接准署兩江督
臣璧昌咨會五月初三日奉

上諭璧昌等奏喚咭喇船二隻先於二月開去現又另帶一船同
味喇嚶船二隻先後駛至著即咨會耆英查明具覆等因欽此
查此案先於五月十五日接准璧昌及撫臣孫善寶
函咨以夷目胡姓兩次照會蘇松太道文內有揚子江長
江等字囑令即向僕囑噎詢明移覆等情查揚子江

本條鎮江揚州一帶長江之名。夷人誤認吳淞口外為揚子江。道光二十年。夷事初起之時。該夷說帖內。即有此語。細覈孫善寶等鈔寄夷目胡姓兩次照會。文義雖不明晰。而其大意。先稱撥兵船在吳淞口南長江停泊。禁止該國商船入口。復又稱現在時勢已異。所有前派阻止商船進揚子江之兵船。不得行撤回。又不能阻止商船進江。是其所稱長江揚子江等字。仍係指吳淞口外而言。署督臣璧昌未知其故。見有揚子江字樣。恐其闖入鎮江揚州一帶。是以原奏有沿江防範之語。卒當將情形飛致璧昌孫善寶等。靜以鎮之。一面繕發照會。向喋喋喳嚴行詰詢。卒

來粵籌辦稅餉。正為和好。其勢並未稍異。何以胡姓夷目。照會內有異勢字樣。令其切實照覆去後。旋據覆稱。該國商船。先經該酋出示曉諭。不准駛往各口。夷目胡姓辦理不善。先已撤回。該夷目於撤回後。又擅發照會。混用異勢二字。殊屬不當。其實和好辦事。並未稍異。乞為原諒等情。等察其情詞。尚屬真切。又經飛咨江省督撫在案。現在通商章程。業已議定。奉到部覆。江蘇省即可開市。一經互相交易。則夷情漸熟。疑團漸釋。必能相安無事矣。

硃批知道了。

耆英又奏。竊等承准軍機大臣字寄。九月二十四日。奉

上諭。現在夷民相安。自應俯允所請。於呈遞紙樣。如式用寶。該大臣祇領後。卽妥慎辦理。不厭精詳。永杜後患。此事所關匪細。切不可將就目前。草率了事。致令該夷他日有所藉口。挾制約內。添註各條。尤須斟酌盡善。為一勞永逸之計。所有條約及添註之處。均著另繕具奏等因。欽此。伏查條約為信守之憑。誠如訓諭所關匪細。前此伊里布到粵後。將最為緊要之該夷船隻。止准在五口貿易。不准駛往他處。及此後商欠不求官為代還二事。與該首嘍嘯渣再三要約明白。迨粵來粵。帶同黃恩彤。咸齡親赴香港。面與嘍嘯渣重申前約。因上年在江南所會議約十三條。業已蓋用。

欽差大臣關防暨該首截記裝訂成冊已無餘頁可以添註且尚有未盡事宜必需一併要約明白立定條約以免將來藉口現與該首議明彙齊將應行添註各條另列一冊仍照前蓋用關防截記與前議條約一併存貯以昭信守除前議十三條業於上年奏蒙

聖鑒在案其現在所議條約一冊統俟嘆嘯喳將截記鈐用前來再行繕錄清單恭呈

御覽

硃批知道了

耆英又奏再於六月十九日准福州將軍臣保昌咨承

准軍機大臣字寄。四月二十一日奉

上諭。保昌奏廈門稅務未便久停。酌擬開關征收一摺。現在各省海關稅則。尚未據耆英議定。是以浙江江蘇各稅口。均俟粵省定議後。再行開關征課。該將軍所請查稅小口。移設新嶼之處。著即咨耆英。俟其咨覆到時。妥籌辦理。欽此。竊伏查廈門向為內地客商。由海販運貨物往來各省貿易輸稅之所。自被兵以後。商販絕跡。經該將軍奏明停征。現在撫議久定。內地商販。自必往來廈門。貿易如故。必應照舊收稅。以裕國課。該將軍因恐內地商船與夷商雜處。滋生事端。又因鼓浪嶼原設查稅小口。殊多不便。是以函商伊里布。照知嘆

嘯。嗟。議。明。將。查。稅。小。口。移。至。新。嶼。以。期。兩。不。相。妨。是。所。稱
開。關。征。收。設。口。稽。查。者。係。征。收。稽。查。內。地。商。船。之。稅。與。暎
咭。喇。等。國。洋。貨。無。涉。亦。毋。庸。另。議。章。程。至。江。蘇。浙。江。各。稅
口。稽。征。內。地。商。船。貨。稅。於。夷。船。退。出。後。早。已。照。舊。徵。輸。今
廈。門。應。征。內。地。稅。課。事。同。一。律。即。將。查。稅。小。口。移。設。新。嶼
之。處。亦。屬。因。地。制。宜。均。應。如。該。將。軍。所。奏。辦。理。
殊。批。知。道。了。

耆。英。等。又。奏。再。向。來。各。夷。商。來。粵。貿。易。皆。係。租。賃。十。三。行
房。屋。寓。居。而。暎。咭。喇。所。賃。夷。館。前。被。焚。燒。現。定。於。七。月。初
一。日。先。在。廣。州。開。市。所。有。暎。咭。喇。國。各。商。未。便。無。屋。棲。止。

與議定先向各洋行租賃寓所棧房。其租價聽其自相公
平議給。並不官為經理。以免糾纏。

硃批。妥為料理。萬勿別生事端。

壬戌。

諭軍機大臣等。本日召見雲南副將波啟善。據奏道光二十年七
月。在廣東參將任內。經林則徐派往澳門。與啖咭喇接仗。殺斃
一百餘人。其額上被飛礮打傷等語。已有旨將該員發往廣東。
以副將即補。所奏打仗情節。是否實有其事。著祁項確切查
明。遇便覆奏。

軍機大臣穆彭阿等奏。內閣鈔出耆英等奏議定通商章

程收稅科則一摺奉

硃批軍機大臣會同該部覈議。遵奏。欽此。查原奏內稱。將章程科則。籌議酌定。現因貨船雲集。廣州一口。業已查照新定章程。於七月初一日開市貿易。其福州。廈門。甯波。上海。四處。俟部覆到日。再行開關等語。臣等查海關通商。原期於稅務商情。兩有裨益。其有應稅貨物。今昔情形不同。應行增減者。亦應量為變通。以期便民裕課。茲查粵海關原定稅則。經該大臣等議增稅銀之貨五十六種。議減稅銀之貨六十四種。並原例未載現在添出者十三種。臣等逐加酌覈。或增或減。總期於稅務有贏無絀。應如所奏。准其按新

定稅則。照數征收。至廣州交易。既於七月初一日通商。其福州。廈門。甯波。上海。四處。亦應准其一體開關。以昭畫一。請

飭下各該將軍督撫於文到之日。即行開關交易。按則征收。報部查覈。謹將各海關通商章程十五條。謹繕清單。恭呈

御覽。

一進出口雇用引水一款。查原單內稱議准通商之廣州。福州。廈門。甯波。上海等處。每遇暎商貨船到口。即令引水帶進。俟貿易輸稅全完。令引水隨時帶出。至雇募引水工價。各按水程遠近平險。議定酌給等語。臣等查商船進出

各口水路既不免生疏。日期又難免阻滯。所稱雇用引水。隨時帶進帶出之處。應請准行。至雇募工價。應由英國管事官。按水程酌給。以昭平允。

一口內押船人役一款。查原單內稱。英商貨船到口。一經引水帶進後。即由海關派役看押。雇船搭船。均聽其便。所需食用。由海關按日給銀。不得需索。英商絲毫規費。有犯計贓論罪等語。臣等查各關收稅。向應嚴防偷漏。派役巡查。此次英商貨船到口。經引水帶進後。應由各海關派役看押。但須揀派妥實丁役一二人。以禁走私。而免滋擾。其乘坐船隻。或雇或搭。皆應聽其自便。海關按日給銀。令其

自備食用。如有需索。喚商絲毫規費者。應即計贓論罪。嚴加懲辦。

一貨船進口報關一款。查原單內稱喚船到口。限一日之內。赴喚國管事官署中。將船牌。船口單。報單各件。交與管事官查閱收貯。如有不遵。及投遞假單。未奉官准。先行卸貨等弊。即分別罰銀抄貨。辦理。管事官既得船牌報單等件。即將船載若干。係何貨物。行文通知。以憑抽驗輸稅等語。臣等查商船到關。向以報單為憑。其開船卸貨。亦應俟官准開船之後。以便稽查。此次喚國通商。應請商船到口停泊。限一日之內。其船主即赴喚國管事官署中。將船牌

船口單報單各件。交與管事官查閱收貯。其有不遵。及假單弊混。或先行開船卸貨者。應即分別罰洋銀二百圓。五百圓。以示懲儆。並將擅行卸運之貨。一概入官。以杜弊混。至船之大小。所載係何貨物。其管事官應於得船牌等件後。即行文逐一聲明。通知該口海關。以便抽驗明確。准其卸貨輸稅。

一。暎商與華商交貿一款。查原單內稱現經議定。暎商卸貨後。自投商賈交貿。設有誑騙脫逃。及欠債不能歸還者。一經控官。即為查追。儻誑騙之犯無蹤。及欠債之人身亡。不得執洋行代賠舊例。呈請著賠等語。臣等查此次暎商

交易既議裁洋商。其暎商卸貨後。即應自投商賈。無論與何人交易。應各聽從其便。或有因誑騙拖欠。控告到官者。中國官員代為查追。如果誑騙之犯。實係逃匿無蹤。欠債之人。實係身亡產絕。應不准其執洋行代賠舊例。再行呈請著賠。

一貨船按噸輸鈔一款。查原單內稱暎國進口商船。計每噸輸銀五錢。所有舊例出口進口。日月規各項費用。均行停止等語。臣等查暎商貨船進口。應照船載之盈虛。定稅銀之多寡。今既議查照船牌。開明載數。按每噸輸銀五錢。以歸簡易。其向來納鈔名目。如出口進口。日月規等項。應

即停止。以免紛擾。

一進出口貨納稅一款。查原單內稱進口出口貨物。按新定則例納稅。此外規費。絲毫不可加增。其暎商應納稅銀。掃數納完。由海關給發紅單。呈送暎國管事官驗明。方准發還船牌。令其出口等語。且等查海關應征各稅。既經隨時變通。其進口出口貨稅。或增或減。應令按照新定章程。各海關一體征收。此外各項規費。既經裁撤。即無容絲毫加增。致生弊混。其暎船運貨進口。及販貨出口。應俟按例輸稅掃數全完後。方准由海關給發紅單。呈管事官驗明。令其出口。

一大關秉公驗貨一款。查原單內稱暎商運貨進口。販貨出口。先期通報暎官。由暎官差通事轉報海關。以便公同查驗。暎商眼同料理。其當時無人在場。事後另有告訴者。駁斥不為查辦。至海關人役與暎商。不准平定其價。即令各商估價抽稅。如茶葉一項。令官役及暎商各揀出若干箱。先運皮過秤。再除皮計算。即可得實在斤數。儻有理論不明者。管事官通知海關酌辦等語。臣等查商船按貨征稅。須查驗的確。然後價稅公平。又須先期通報。或當日稟報。以免稽遲弊混。嗣後暎商運貨進口。即於卸貨之日。販貨出口。即於下貨之日。先期通報暎官。由暎官轉報海關。

公同查驗。其嘆商無人照料。事後告訴者。由嘆官駁斥。不准查辦。至稅數價值等項。有關稅客商不能平定者。或令客商三二人同估。以最高之價為定。或連皮過秤。除皮再秤。以算實在斤數。即可確實征收。不致稅數有虧。亦不致商情被累。倘再有理論不明者。管事官通知海關酌辦。但須嘆商於當日稟報。遲則不為准理。海關亦俟秉公裁斷。後再填稅簿。以免更易。

一何時何銀輸稅一款。查原單內稱嘆商鈔稅。均用洋錢輸征。請設立銀號數處。代納稅銀。以便嘆商按期交納洋錢。色有不足。請由該口嘆官及海關議定。加納補水等語。

臣等查暎商進口。必須稅鈔全完。方准出口。茲請設立銀號數處。代為納稅之處。應令各海關務擇殷實鋪戶。免致拖欠。又頁發給執照。註明某號代納暎商稅銀字樣。以便稽查。庶各暎商按期交納。不致遲誤。其洋錢成色不足。應由該口暎官及海關先行議定。某類洋錢。加納補水若干。以昭平允。

一秤碼丈尺一款。查原單內稱各口秤碼丈尺。均按粵海關向用之式。製造數付。每口每件發交二付。以一付交海關。以一付交暎國管事官查收等語。臣等查各關征稅。均照秤碼丈尺。以便按照輕重長短。計貨徵收。惟各海關秤

貨之大秤。兌銀之砵碼。量物之丈尺。恐未能盡一。嗣後應須照粵海關向用之式。鐫刻圖印。每口每件發給二付。分交海關及暎國管事官查收。凡驗貨人役。有與暎商理論長短輕重者。悉以此為準。以便計貨計銀。遵例輸稅。

一。剝貨小船一款。查原單內稱暎商自雇小船剝運。不論西瓜扁及各項船艇。其雇價銀兩若干。聽暎商與船戶自議。不必官為經理。儻有走私漏稅情弊。查出將船戶照例懲辦。小船因剝運貨物。誑騙逃走。應嚴行查拏等語。且等查暎商於卸貨下貨之時。必須雇船剝運。不論西瓜扁及各項船艇。應聽其自雇。亦不必限定何船攬載。其雇價多

寡亦應聽喚商與船戶自謀。不必官為經理。至走私漏稅等弊。自應實力稽查。照例懲辦。儻此等小船。於剝運時有誑騙貨物逃走者。中國官即應嚴行查拏。務使有犯必懲。亦令喚國自行防範。加意稽查。庶無後累。

一禁止剝運過船一款。查原單內稱喚商進口船隻。不准互相剝貨。其有必須剝過別船者。先須稟請喚官及海關委員。查驗明確。方准剝運。儻有不先稟明。私行剝運。即將其剝運之貨。一概入官等語。臣等查剝貨過船。易滋弊端。凡喚商船隻進口。應禁其互相剝貨。至有必須將貨剝過別船者。亦應令先將實在情形。稟請喚官審奪。並給牌移

諸海關委員查驗明確。方准剝運。倘有私行剝貨。不先稟明者。即概行入官。以示懲警。

一設立屬員約束水手一款。查原單內稱。暎國貨船灣泊處所。分設屬員。就近約束。禁止暎稍與內地民人爭訟。暎國水手上岸。派船內仗長伴同行。走。凡船中水手。應用衣食等物。不得阻民。傍船買賣等語。且等查各口內暎國貨船灣泊處所。應由管事官分設安差屬員一員。就近約束水手人等。先須竭力禁止暎稍。不得與內地民人詞訟爭論。倘遇有此等事件。暎國屬員。即應竭力設法解釋。以安民業。而杜爭端。若暎國水手上岸。屬員必須派船內仗長

一名伴同行走。僅有吵鬧爭論等事。俱惟該伙長是問。至船中水手。應用衣食等物。亦應聽小民傍船買賣。內地官員不得攔阻。以便商情。

一。嘆人華民交涉詞訟一款。查原單內稱。嘆國稟告華民。先赴管事官處投稟。有華民赴嘆官處控告嘆人者。管事官均應聽訴。其嘆商欲行投稟海關。應由管事官投遞。遇有交涉詞訟。管事官即移請華官。公同查明。秉公定斷。其嘆人如何科罪。由嘆國議定章程法律。發給管事官照辦。華民如何科罪。應治以中國之法。均仍照前在江南原定善後條款辦理等語。臣等查通商之務。貴於息爭。如有嘆

人華民涉訟。暎商應先赴管事官處投稟。即著管事官查明是非。勉力勸息。間有華民赴暎官處控告暎人者。管事官亦應聽訴。一例勸息。免致小事釀成大案。如暎商欲行投稟海關。均應由管事官投遞。稟中如有不合之語。即行駁斥另換。不為代遞。僅有交涉詞訟。管事官不為勸息者。即移請華官。公同查明其事。既得實情。即為秉公定斷。以息訟端。其暎人如何科罪。由暎國議定章程法律。發給管事官照辦。華民如何科罪。即治以中國之法。均應准其仍照江南原定善後條款辦理。

一暎國官船口內停泊一款。查原單內稱通商五口。每口

內停泊暎國官船一隻。俾管事官等約束水手滋事。其官船鈔稅等費。均應豁免。至官船進口出口。應先期通報海關。以憑查照等語。臣等查所有通商五口。水手人等。易滋事端。應准其停泊暎國官船一隻。俾管事官及屬員。得以嚴行約束。惟官船非貨船可比。既不載貨。又非貿易。其鈔稅等費。自應豁免。至進口出口之官船。即著管事官先期通報海關。以憑查照。

一暎商貨船擔保一款。查原單內稱暎國商船。無庸投行認保。即由暎官擔保等語。臣等查向例暎船進口時。即投行認保。所有出入口貨稅。均由保商代納。現經裁撤保商。

所有進口貨船應即准由該官擔保以專責成

旨依議

甲子山東巡撫梁寶常奏竊臣接據登州府屬之榮成文登福山等縣稟報七月初九日有雙桅夷船二隻由榮成縣洋面駛入文登縣之劉公島停泊初十日有夷人三名廣東人五名江西人一名駕杉板小船上岸布散知單明註呢絨雜貨並大小煙土字樣欲與該處商民貿易商民等因奉示禁不敢私交該夷人等見無利可圖旋即回船開駛十一日又至福山縣之罟島停泊等情查該夷船既撫通商該有一定馬頭今該夷船忽來東洋其船內有廣東

江西等省民人似係內地奸匪勾通喫夷奸商越界私販鴉片煙土。亟應嚴行飭禁。使其無所獲利。庶可永絕覬覦。當即咨行登州鎮道。一面督飭沿海文武。嚴加防範。一面徧行諭禁各海口商販。不准一物私相交易。並飭署登州府知府張輔馳赴該處。查明該船如尚在彼逗留。即向詳詰。究係何國夷船。是否欲圖貿易。山東並非原議馬頭果係喫夷。何竟不曉。有無奸商違約私至。務得實在情形。飛稟酌辦。

諭軍機大臣等。據梁寶常奏。山東登州府屬之榮成。文登。福山等縣。有雙桅夷船二隻停泊。內有廣東江西等省民人。似係內地

奸匪勾通。曠夷奸商。越界私販等語。曠夷就撫。通商業經議定。馬頭昨據耆英馳奏。該夷急於通商。已於七月初一日。在廣州開市。其餘福州。廈門。上海。寧波等處。亦即普行通商。何以夷船二隻。忽駛至山東洋面。希圖貿易。著該大臣詢問曠曠。曠曠。是否係曠曠。曠曠。貨船。抑係別國影射圖利。務當詳晰查明。嚴行禁止。除議定通商等處外。毋任駛往他處。致違成約。梁寶常原奏。著鈔給閱看。

又

據梁寶常奏。登州府屬之榮成。文登。福山等縣。有雙桅夷船二隻停泊。內有廣東。江西等省民人。駕杉板小船上岸。布散知單。

欲與商民貿易。似係內地奸匪勾通。喫夷奸商。越界私販鴉片。煙土等語。喫夷通商。業經議定五處馬頭。山東地方。並非該夷貿易之地。著該撫嚴禁各海口商販。不准私相交易。並著查明。是否奸民勾串。現在關駁何處。據實具奏。

